

REFERAT US - Utoqqaat siunnersuisoqatigiiffiat d. 21-09-2021

Mødedato Tirsdag d. 21. september 2021 kl. 19:00

Mødested Ataatsimiittarfik 1, Kommuneqarfiup Allaffia

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Imaqarniliaq

Utoqqaat pillugit Siunnersuisooqatigiit inissitsiterlutik ataatsimiinnerat

Piffissaq: marlungorneq 21. septembari nal. 15.00-17.00
Sumi: Ataatsimiittarfik 1, Kommuneqarfiup Allaffia

Peqataasut:

Jakob Thorsen, ilaasortaq
Kirsten Holm, ilaasortaq
Marianne Jensen, ilaasortaq
Mina Lorenzen, ilaasortaq
Daniel Blytmann, sinniisoq
Ejner Grønvold, pisortaq
Sascha Winum Petersen, allatsi

Peqataasinnaangitsut.:

Mikael Ludvigsen, ilaasortaq
Dorthea Josefsen, sinniisoq
Arnanguaq H. Christensen, Utoqqarnik Sullissiveqarfimmi fagcheft

Oqaluuserisassat:

- 1) Utoqqaat pillugit Siunnersuisooqatigiinni ilaasortat sinniisullu paarlakaallutik imminnut ilisaritinnerat
- 2) Utoqqaat pillugit Siunnersuisooqatigiinnut ilisimatitsissuteqarneq, saqqummiisoq pisortaq Ejner Grønvold
- 3) Utoqqarnik Sullissiveqarfimmik ilisimatitsissuteqarneq, saqqummiisoq pisortaq Ejner Grønvold
- 4) Utoqqaat pillugit Siunnersuisooqatigiit ileqqoreqqusai suleriaasissaalu
- 5) Utoqqaat pillugit Siunnersuisooqatigiinni siulittaasumik siulittaasullu tullianik qinersineq
- 6) Tulliani ataatsimiinnissamut oqaluuserisassat
- 7) Taasariaqartut allat
 - 7.1 Siunissami periusissaq
 - siunissami ataatsimiinnerni piffissat
 - Oqaluuserisassanik, imaqarnilianik il.il. allakkatigut aamma/imaluunniit digitalimik allakkanik nassiussisarneq

Imaqarniliaq

1) Utoqqaat pillugit Siunnersuisooqatigiinni ilaasortat sinniisullu paarlakaallutik imminnut ilisaritinnerat

Pisortaq Ejner Grønvold tamanut tikilluaqqusillunilu ullormut oqaluuserisassat saqqummiuppai. Aallaqqaasiutigalugu Utoqqaat pillugit Siunnersuisooqatigiinni ilaasortat sinniisullu imminnut ilisaritipput.

Kirsten Holm: Kirsten 1954-imi inunngorpoq 2016-imilu utoqqalinersiaqalerluni. Kommuneqarfik Sermersuumi utoqqaat atugaasa pitsanngorsarnissai iliuuseqarfiginissaalu kissaatigalugu Kommuneqarfik Sermersuumi Utoqqaat pillugit Siunnersuisooqatigiinnut qinnuteqarpoq.

Mina Lorenzen: Mina 70-inik ukioqarpoq siornatigullu perorsaasutut sulilluni, maannakkullu utoqqalinersiaqarluni. Ulluinnarni suliaqartuuvoq, aamma peqatigiiffilerinermik, tassungalu atatillugu Timersoqatigiiffik Qeersaani ilaasortaavoq. Utoqqaat pillugit Siunnersuisooqatigiinni ilaasortatut siunnersuisooqatigiit suliaannik piviusunngortitserusuppoq, oqaloqatigiinnerinnaangitsut. Utoqqaat pillugit Siunnersuisooqatigiinni sulinissaq kiisalu ilaasortat sinnerisa suleqatiginissai qilanaaraa.

Marianne Jensen: Marianne Ilulissaneersuuvoq, 1991-imi Nuummi aalajangersimasumik najugaqalerluni. Ilinniartitsisutut aamma Kalaallit Nunaanni Inuiaat Kulturiat Oqaluttuarisaanerallu pillugu Cand. mag.-itut ilinniarsimasuuvoq. Ukiuni qulini 1989-imiit 1999-imut politikikkut suliaqartuuvoq, ukiullu siullit marluk Ilulissani borgmesteriuvoq, ukiullu kingullit arfineq-pingasut naalakkersuisunut ilaasortaalluni. Tamatuma saniatigut ukiuni pingasuni FN-ip immikkoortortaani ILO-mi (International Labour Organization) siunnersortaanertut sulisuuvoq, tassa nunap inoqqaavisa pisinnaatitaaffiinut tunngasunik. Utoqqaat pillugit Siunnersuisooqatigiinni ilaasortaanermigut utoqqaat annertunerusumik tusaaniarneqarnissaat kissaatigaa, pingaartumik utoqqaat inuiaqatigiinnut nanertuutaaginnassangitsut.

Daniel Blytmann (sinniisoq): Upernavimmeersuuvoq 2016-imilu Nuummut nuulluni. Sanami sulinermini utoqqarnut tunngasut soqutigilersimavai, Kommuneqarfik Sermersuumilu utoqqaat atugaat pitsanngorsarniarlugit Utoqqaat pillugit Siunnersuisooqatigiinnut qinnuteqarsimalluni. Sermersooq.

Jakob Thorsen: Paamiuni najugaqarpoq, 2007-imilu 63-inik ukioqalerluni utoqqalinersiaqalerpoq. Utoqqaat pillugit Siunnersuisooqatigiinni piffissami 2013-2017-imi ilaasortaavoq. Utoqqaat pillugit Siunnersuisooqatigiinni ilaasortat sinniisullu allat naapinnissai aammalu Utoqqaat pillugit Siunnersuisooqatigiinni suleqatigiinnissaq qilanaaraa.

Mikael Ludvigsen (ilaasortaq: ataatsimiinnermi peqataasinnaangilaq.

Dorthea Josefsen (sinniisoq): ataatsimiinnermi peqataasinnaangilaq.

2) Utoqqaat pillugit Siunnersuisooqatigiinnut ilisimatitsissuteqarneq, saqqummiisoq pisortaq Ejner Grønvold

Ejner Grønvold tulleriarlutik ilisaritinnermut qjassuteqarpoq tusaasinnaallugulu Utoqqaat pillugit Siunnersuisooqatigiit assigiinngitsunik tunuliaqutaqarlutillu misillitagaqartuusut, tamannalu Utoqqaat pillugit Siunnersuisooqatigiinni sulinermut iluaqutaanissaa qularutiginaq.



Utoqqaat pillugit Siunnersuisooqatigiit suliassaraat, kommunip utoqqarnut tunngasunik politikkimik ilusilersuineranut piareersaasioneranullu atatillugu kommunalbestyrelsimut siunnersuisartutut atuunnissaq. Siunnersuisooqatigiit siunnersuisartutut atuuffiup saniatigut, kommunimi utoqqaat aamma Kommunalbestyrelsip akornanni atassuteqaataapput, atuuffimmini utoqqarnut tunngasunik paasititsiniaaqataallutillu oqallitsitsisinnaasut. Taamaalillutik Utoqqaat pillugit Siunnersuisooqatigiit kommunimi innuttaasunut utoqqarnut pissutsit atugassarititaasullu siuarsarlugillu pitsanngornerulersissinnaavaat.

Siunnersuisooqatigiit kommunimi peqatigiiffiit, atuisunut siunnersuisooqatigiit aamma gruppit suleqatigisinnaavaat, taamaalillutik ataatsimoorlutik kommunimi utoqqaat atugarisaannik siuarsaasinnaallutik.

Ejnerip erseqqissaatigaa, Utoqqaat pillugit Siunnersuisooqatigiit suliaat Kommuneqarfik Sermersuumi innuttaasunut utoqqarnut tamanut tunngasuusut, tassa kommunimi illoqarfinni nunaqarfinnilu tamani innuttaasut utoqqaat tamaasa.

3) Utoqqarnik Sullissiveqarfimmik ilisimatitsissuteqarneq, saqqummiisoq pisortaq Ejner Grønvold

Arnanguaq Heilmann Christiansen Utoqqarnik Sullissiveqarfimmi fagchefiuvoq, pilersaarutaagaluarpog Kommuneqarfik Sermersuumi Utoqqarnik Sullissiveqarfik Utoqqaat pillugit Siunnersuisooqatigiinnut ilisaritissagaa. Arnanguaq ataatsimiinnermi peqataasinnaasimanngilaq, taamaattorli siunissami Utoqqaat pillugit Siunnersuisooqatigiit ataatsimiinneranni peqataasassaaq. Taarserlugu Utoqqarnik Sullissiveqarfik naatsumik Ejner Grønvoldip ilisaritissavaa.

Utoqqarnik Sullissiveqarfik Suliffeqarnermut Isumaginninnermullu Ingerlatsiviup ataaniippoq, ingerlatsivillu Kommuneqarfik Sermersuumi, 700-t tungaanut sulisoqartoq, ingerlatsiviit annersaraat. Ingerlatsivimmi suliassa qarfiit tassaapput: Utoqqarnik Sullissiveqarfik, Oqartussaaffeqarfik, Innarluutilinnut tarnikkut nappaatilinnullu Immikkoortortaqarfik aamma Suliffissarsiuussisarfik.

Utoqqarnik Sullissiveqarfimmiipput utoqqaat illui sisamat 118-inik initallit, taakkunannga init 22-t puiguttortunut iniupput. Tamatuma saniatigut puiguttortunut ataqatigiissaarisunik immikkoortortaqarfeqarpoq, tassanilu 192-it sullinneqartarput. Utoqqarnik Sullissiveqarfik aamma marlunnik utoqqarnut najugaqatigiiffeqarpoq, aappaa Ittoqqortoormiini aappaalu Qeqertarsuatsiaani.

Kommunip illoqarfiini nunaqarfiinilu 380-it angerlarsimaffimmi ikiorteqartarput. Ikiorteqartartut assigiinngitsunik pisariaqartitsisuusinnaapput, tassungalu atatillugu pisariaqartinneqartut naammassiniarlugit angerlarsimaffimmi ikiortit suliassatik aaqqissuuttarpat.

Tulleriarisartut namminneq Utoqqarnut Sullissiveqarfimmi tulleriarinerit ingerlattarpat, tassa imaappog suliassa qarfinni sullissinerit akuersissutillu isumagisarpat - tassa innuttaasut utoqqaat illuannut, najugaqatigiiffinnut, puiguttortunut kiisalu Kommuneqarfik Sermersuumi innuttaasunut utoqqarnut annertunerusumik tapersersuinissamut tunngasunik tulleriarisarput.

Kirsten Holm: kisitsisit assut soqutiginartutut isigai, nammineerlunilu sivisuumik sullissisoqarneranik misigisaqarnikuulluni. Allami saqqummiussisoqarnerani utoqqaat illuannut utaqqsit allattorsimaffianiittut amerlasut tusarsimavaa - utoqqaat puiorneqarsimappat?



Marianne Jensen: kommunimut saaffiginnineq qanoq ilungersunartigisoq nammineq misilittagaqarfigaa. Taamaattorli sullissisumut angussinissamut iluatsitsigaanni pitsaasumik sullissisoqartartoq erseqqissaatigaa.

Ejner Grønvold: Isummasi tusarlugit nuanneq, Utoqqaat pillugit Siunnersuisooqatigiit ataatsimiinneranni aamma oqaluuserinissaanut periarfissaqassaasi. Taamaattorli suliat allaaserineqarnerat kommunalbestyrelsimit akuerisat Tullerriiaarisartunit malinneqartartut erseqqissaatigineqassaaq. Tamatuma saniatigut kommunip utoqqaat pillugit politikiani innuttaasut utoqqaat sapinngisamik sivilunerpaamik namminneq angerlarsimaffimmiinnissaat pingaartinneqarpoq.

Utoqqarnik Sullissiveqarfik ingerlatsiviup iluani qanimut suleqateqartarpoq, tassunga ilanngullugit Oqartussaaffeqarfik aamma Innarluutilinnut tarnikkut nappaatilinnullu Immikkoortortaarfik, tassanilu pillorissaasut aammalu timimik sungiusaasut suleqatigiit utoqqaat illuinik sullissisuusarput.

Tamatuma saniatigut Utoqqarnut Sullissiveqarfimmit kommunimi Utoqqaat pillugit Siunnersuisooqatigiinni ilaasortaanikut kiisalu utoqqaat peqatigiiffii qanimut suleqatigineqartarput. Saniatigullu Utoqqarnut Sullissiveqarfik peqqinnissaqarfimmi aqutsisunik aamma peqqinnissaqarfimmik qanimut suleqateqartarput, pingaartumik Paamiuni suliniummut tunngatillugu. Allanik suliniuteqarportaaq, soorlu Issittumi Utoqqalineq, taannalu Kalaallit Nunaanni innuttaasut utoqqaat atugaannut tunngasuvoq, tassanilu pilersaarummi tamakkununga tunngasut paasititsiniutiginiarneqarput. Tamatuma saniatigut ilinniarfeqarpoq PI, tassannganiillu Utoqqarnut Sullissiveqarfik arlalinnik ilinniartuuteqartarpoq.

Mina Lorenzen: powerpointimik saqqummersitap kalaallisoortaanik piumavoq.

Allatsip: powerpointimik saqqummersitap kalaallisoortaa ataatsimiinnermi tullermi agguaannissaa isumagissavaa.

4) Utoqqaat pillugit Siunnersuisooqatigiit ileqqoreqqusai suleriaasissaalu

Utoqqaat pillugit Siunnersuisooqatigiit ataatsimiinnissap tullia sioqqullugu ileqqoreqqusat tunniunneqarnissaat pisariaqartippaat, ileqqoreqqusallu immikkoortukkuutaarlugit sammineqannginnissaat tamaasalu paasisimanissaat isumaqatigiissutigalugu. Ersarinngitsortaqarpatali apeqquteqartoqarsinnaassalluni.

Marianne Jensen: ileqqoreqqusani § 3, imm. 4 aamma § 6, imm. 3 imminnut akerleriittunuku? – pissutigalugu siullermi allassimavoq Utoqqaat pillugit Siunnersuisooqatigiit kommunimi innuttaasunut utoqqarnut *tamanut* atugassarititaasunik ilisimasaqartassasut, akerlianillu kingullermi taaneqartumi peqatigiiffinnut sammisassaqartitsiviillu aqutsisuinut tunngassuteqarlutik.

Ejner Grønvold: ileqqoreqqusami § 3 imm. 4-imi Utoqqaat pillugit Siunnersuisooqatigiit innuttaasut utoqqaat atugarisaannik ilisimasaqarnissaannut tunngassuteqarpoq, akerlianillu § 6 imm. 3-mi Utoqqaat pillugit Siunnersuisooqatigiit peqatigiiffinnik kiisalu sammisassaqartitsiviit aqutsisuinik suleqateqarsinnaanerannut tunngassuteqarluni. Taamaattumillu taakku imminnut akerleriinngillat.

Mina Lorenzen: Utoqqaat pillugit Siunnersuisooqatigiinni oqallittoqarsinnaanera iluarisimaarppaa. Peqatigiiffinni assigiinngitsuni suliaqartarnini tunngavigalugu Utoqqaat pillugit Siunnersuisooqatigiit peqatigiiffinnik attuumassuteqartunik qanimut suleqateqarnissaa pitsaasuussasoq isumaqarpoq.



5) Siulittaasumik siulittaasullu tullianik qinersineq.

Ejner Grønvoldip aallaqqaasiutigaa, ileqqoreqqusat malillugit Utoqqaat pillugit Siunnersuisooqatigiit namminneq inissitsitissasut. Ileqqoreqqusanilu allassimanngilaq Utoqqaat pillugit Siunnersuisooqatigiit inissitsiternissaannut ilaasortat qassit najuuttariaqarnersut. Utoqqaat pillugit Siunnersuisooqatigiinni ilaasortat, Mikael Ludvigsen minillugu, ataatsimiinnermi peqataapput. Ilaasortat ataatsimiinnermi najuuttut ataatsimiinnermi inissitsitertoqassasoq aalajangiuppaat.

Siulittaasussatut sassarpoq:

- Marianne Jensen

Marianne Jensen Utoqqaat pillugit Siunnersuisooqatigiinni siulittaasutut qinigassanngortikkusuppoq, politikeritullu misilittagaqarnini pillugu soqutiginarlippaa. Qaratsakkut aanaartoornermi kingorna politikimit tunuartaqarsimavoq pitsaaneruleramilu maqaasilersimallugu. Siulittaasutut Kommuneqarfik Sermersumi innuttaasut utoqqaat atugaat pitsaanerulersinniarlugit suleqatigiinneq ammasumillu oqallinneq pingaartissavai.

Siulittaasumik qinersineq: Marianne Jensen, akerliusoqarani qinerneqarpoq.

Sinniisussatut sassarpoq:

- Mina Lorenzen

Siulittaasup tullianik qinersineq: Mina Lorenzen, akerliusoqarani qinerneqarpoq.

Ejner Grønvold: Utoqqaat pillugit Siunnersuisooqatigiit 2021-2025 Marianne Jensen siulittaasoralugu aamma Mina Lorenzen siulittaasumut tulleralugu inissitsiterput.

6) Tulliani ataatsimiinnissamut oqaluuserisassat

- Utoqqaat pillugit siunnersuisooqatigiit suleriaasissaat
- Ukiumut pilersaarummik suliaqarneq.
- Utoqqaat pillugit Siunnersuisooqatigiit sulinissaanut ilaasortat anguniagaat

Marianne Jensen: oqaluuserisassatut siunnersuuteqarpoq, ilaasortat ataatsimiinnermi tullermi Utoqqaat pillugit Siunnersuisooqatigiinni ilaasortatut kissaataannut tunngavigineqartut aaqqiissutissatut takorluukkat saqqummersinneqassasut. Takorluukkat tunngavigalugit Siunnersuisooqatigiit sulianik tulleriaarigallarnissaq pillugu Utoqqaat pillugit Siunnersuisooqatigiit eqqartuisinnaavoq.

- Utoqqaat pillugit Siunnersuisooqatigiit sulinissaannut tunngatillugu siunissami saqqummiussassatut / paasissutissallu kissaatigineqartut.

Utoqqaat pillugit Siunnersuisooqatigiinni ilaasortat ataatsimiinnermi paasissutissat assigiinngitsut saqqummiunneqarsinnaasullu attuumassuteqartut, Utoqqaat pillugit Siunnersuisooqatigiit siunissami sulinermini iluaqutaasinnaasut, ataatsimiinnerminni apeqquteqaatigaat. Taakku paasissutissanut aamma/imaluunniit saqqummiussassanut assersuutit ilagaat Issittumi Utoqqalineq pillugu suliaqarnermit saqqummiineq, innuttaasut utoqqaat, pingaartumik Nuummi, ineqarnikkut atugarisaannik paasissutissat.

Utoqqaat pillugit Siunnersuisooqatigiit arlallit utoqqarnut tunngasunik, tassunga ilanngullugu utoqqarnut inissiat pillugit Inge Olsvig Brandt radiukkat saqqummiisoq tusarnaarsimavaat.

Marianne Jensenip allaffeqarfik qinnuigaa paasiniaqqullugu Inge Olsvig Brandt ataatsimiinnermi tullermi assingusumik killiffimmik saqqummiinissaanut, matumani kommunalbestyrelsimi



utoqqarnut tunngasunut Utoqqaat pillugit Siunnersuisooqatigiit siuliisa innersuusutai malillugit suliniutit aallartissimasat pillugit.

Marianne Jensen: ataatsimiinnermi tullermi Utoqqaat pillugit Siunnersuisooqatigiit saqqummiussassat paasissutissallu Siunnersuisooqatigiinnit soqutiginartinneqarsinnaasut oqaluuserineqarsinnaapput.

7) Taasariaqartut allat

Ejner Grønvold: Suliffeqarnermut Isumaginninnermullu Ingerlatsivik Utoqqaat pillugit Siunnersuisooqatigiivisa ataatsimiinnerini ataatsimiinnersiaqartitsisoqarsinnaanersoq pillugu apeqquteqaateqarfigineqarpoq.

Utoqqaat siunnersuisooqatigiivini ilaasortat namminneq kajumissutsiminnik sulipput, taamaattumillu siunnersuisooqatigiit ataatsimiittarnerini aningaasarsiaqartinneqaratillu ataatsimiinnersiuteqartinneqarneq ajorput. Missingersuutini taamaallaat Utoqqaat pillugit Siunnersuisooqatigiivisa allatseqartinneqarnissaat aningaasaliiffigineqarnikuuvoq, suliassaralugit oqaluuserisassaliorneq, ataatsimiigiaqqusineq, imaqarniliorneq, nutserisoqarneq oqalutseqarnerlu, ataatsimiittarfiit/atortuniit oqarasuaatit/videokkullu ataatsimiinnerit. Ingerlatsivik Paamiuni Utoqqaat pillugit Siunnersuisooqatigiivini ilaasortap Utoqqaat pillugit Siunnersuisooqatigiivini ilaasortanik najuulluni ataatsimeeqateqarnissaanut 2021-mi aningaasanik ujartuissaaq.

Marianne Jensen: Utoqqaat pillugit Siunnersuisooqatigiinni sinniisut ataatsimiinnerni ilaasalersinnaappat, imaluunniit taamaaliornissamut arlaannik aporfissaqarpa?

Allatsi: misissuissaaq, akissutissaanillu ingerlatitseqqiilluni.

7.1 Siunissami periusissaq

Siunissami ataatsimiinnerni piffissat

Utoqqaat pillugit Siunnersuisooqatigiit nal. 14-15 ataatsimiittoqartarnissaa kiisalu pingasunngornikkut ataatsimiittoqartassanngitsoq aalajangerpaat.

Siunnersuisooqatigiit tulliani oktobarimi ataatsimiittoqarnissaa kissaatigaat. Siulittaasoq allatsilu ullormik aalajangiissapput, ilaasortanullu nalunaaruteqarlutik.

Oqaluuserisassanik, imaqarnilianik il.il. nassiussisarnissaq.

Utoqqaat pillugit Siunnersuisooqatigiit oqaluuserisassanik, imaqarnilianik il.il. nassiussisarnissamut tunngatillugu assigiinngitsunik isumaqarput.

Marianne Jensenip, Mina Lorenzenip aamma Kirsten Holmip mailikkut nassiussisoqartarnissaa kissaatigaat, Jakob Thorsenillu allakkatigut nassiussisoqartarnissaa kissaatigaa.

Utoqqaat pillugit Siunnersuisooqatigiit imaqarniliat ataatsimiinnermi tullermi akuerineqartassasut aalajangerpaat.

Inuulluaqqusillunga // Med venlig hilsen

Isumaginninnermut Suliffeqarnermullu Ingerlatsivik
Forvaltningen for Velfærd og Arbejdsmarked

